



Broj: 04/2-50-1-16-9-1/05
Sarajevo, 10. juni 2005.

ZAPISNIK
sa devete sjednice Zajedničke komisije za evropske integracije

Sjednica je održana 8. juna 2005. sa početkom u 16.10.

Sjednici su prisustvovali: Fatima Leho, Filip Andrić, Selim Bešliagić, Branko Zrno, Nenad Mišić, Mehmed Suljkanović, Halid Genjac, Milorad Živković i Hilmo Neimarlija.

Sjednici je prisustvovao i Osman Topčagić, direktor Direkcije za evropske integracije.

Odsutni su bili Ilija Filipović, Vinko Radovanović i Boško Šiljegović.

Gđa Fatima Leho, predsjedavajuća Komisije, predložila je sljedeći

DNEVNI RED:

1. Izvještaj sa Sedmog međuparlamentarnog sastanka sa Delegacijom Evropskog parlamenta za Jugoistočnu Evropu, Brisel, 23. – 24. maj 2005.
2. Dogovor za Konferenciju parlamentarnih komisija za evropske integracije država učesnica u Procesu stabilizacije i pridruživanja, Sarajevo, 16. – 18. juni 2005.
3. Razno

Dnevni red je jednoglasno usvojen.

Ad. 1. Izvještaj sa Sedmog međuparlamentarnog sastanka sa Delegacijom Evropskog parlamenta za Jugoistočnu Evropu, Brisel, 23. – 24. maj 2005.

Komisiji je prethodno dostavljena Zajednička izjava, usvojena na kraju Sedmog međuparlamentarnog sastanka sa Delegacijom Evropskog parlamenta za Jugoistočnu Evropu, održanog 23. i 24. maja 2005. u Briselu. U izjavi je naveden niz rezultata koje je Bosna i Hercegovina ostvarila u mnogim oblastima u okviru procesa evropskih integracija i reformama, kao i dalji koraci koje je potrebno učiniti.

Gđa Leho je izvijestila Komisiju o Sedmom međuparlamentarnom sastanku. Dvije delegacije su razgovarale o političkoj situaciji u Bosni i Hercegovini, procesu evropskih integracija, ekonomskoj situaciji, situaciji u oblasti pravosuđa i unutrašnjih poslova, reformi policije, saradnji s Međunarodnim tribunalom za bivšu Jugoslaviju (ICTY), situaciji u oblasti medija i o Dejtonskom mirovnom sporazumu.

Potvrđena je perspektiva pristupanja Bosne i Hercegovine Evropskoj uniji. Istaknuti su rezultati Bosne i Hercegovine u ispunjavanju 16 prioriteta iz Studije izvodljivosti Evropske komisije, kao i potreba za daljim, konzistentnim provođenjem reformi, posebno u oblasti organizacije javne uprave i jačanja vladavine zakona i nezavisnosti sudova. Naglašeno je da je puna i pravovremena

saradnja sa Međunarodnim tribunalom u Hagu preduslov za dalje kretanje BiH ka Evropskoj uniji. Izražena je zabrinutost zbog toga što još nisu usvojeni zakoni o sistemu i servisu javnog emitovanja.

Ad. 2. Dogovor za Konferenciju parlamentarnih komisija za evropske integracije država učesnica u Procesu stabilizacije i pridruživanja, Sarajevo, 16. – 18. juni 2005.

Gđa Leho je izvijestila Komisiju o toku priprema za održavanje Konferencije parlamentarnih komisija za evropske integracije u Sarajevu. Kad je riječ o učesnicima, delegacija Albanije je dostavila imena članova koji će učestvovati na Konferenciji, ali je zatim otkazala učešće zbog obaveza poslanika u izbornoj kampanji za parlamentarne izbore 3. jula 2005. Na Konferenciji će učestvovati delegacije Hrvatske, Makedonije i Srbije i Crne Gore. U ime Evropskog parlamenta učesnicima će se obratiti gđa Doris Pack, predsjedavajuća Delegacije Evropskog parlamenta za odnose sa zemljama Jugoistočne Evrope.

Potvrđen je dogovor Komisije da će g. Filipović imati uvodno izlaganje u vezi s poslovníkom Konferencije parlamentarnih komisija za evropske integracije, a g. Suljkanović izlaganje o iskustvima u procesu približavanja Evropskoj uniji i g. Radovanović izlaganje o programima pomoći Evropske unije.

Ad. 3. Razno

Nije bilo prijedloga za diskusiju u okviru ove tačke.

Zapisnik sačinila
Sena Bajraktarević

Fatima Leho,
predsjedavajuća Zajedničke komisije
za evropske integracije